



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԼՈՌՈՒ ՄԱՐԶՊԵՏ

Ո Ր Ո Շ ՈՒ Մ

20 հունվարի 2025թ. թիվ 33-Ա

ՀՀ ԼՈՌՈՒ ՄԱՐԶՊԵՏԻ ԱՇԽԱՏԱԿԱԶՄՈՒՄ ԸՍՏ ԲՆԱԳԱՎԱՌՆԵՐԻ
ՀԱՄԱԿԱՐԳՄԱՆ ՊԱՐՏԱԿԱՆՈՒԹՅՈՒՆՆԵՐԸ ԲԱՇԽԵԼՈՒ
ԵՎ ՀՀ ԼՈՌՈՒ ՄԱՐԶՊԵՏԻ 2022 ԹՎԱԿԱՆԻ ՀՈՒՆՎԱՐԻ 14-Ի
ԹԻՎ 35-Ա ՈՐՈՇՈՒՄՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Ղեկավարվելով «Կառավարչական իրավահարաբերությունների կարգավորման մասին» Հայաստանի Հանրապետության օրենքի 16-րդ հոդվածով և «Նորմատիվ իրավական ակտերի մասին» Հայաստանի Հանրապետության օրենքի 37-րդ հոդվածի 1-ին մասով՝

Ո Ր Ո Շ Ո Ւ Մ եմ.

1. Մարզպետի, մարզպետի տեղակալների, մարզպետի աշխատակազմի գլխավոր քարտուղարի, մարզպետի խորհրդականի և օգնականների միջև պարտականությունները, ըստ բնագավառների համակարգման, բաշխել հետևյալ կերպ՝ համաձայն թիվ 1 հավելվածի:

2. Հաստատել մարզպետի տեղակալների կողմից իրականացվող ընդհանուր բնույթի գործառույթները՝ համաձայն թիվ 2 հավելվածի:

3. Ուժը կորցրած ճանաչել ՀՀ Լոռու մարզպետի 2022 թվականի հունվարի 14-ի «Լոռու մարզպետարանում ըստ բնագավառների համակարգման պարտականությունները բաշխելու և ՀՀ Լոռու մարզպետի 2021 թվականի հունվարի 8-ի թիվ 1-Ա որոշումն ուժը կորցրած ճանաչելու մասին» թիվ 35-Ա որոշումը:

4. Սույն որոշման կատարման հսկողությունն իրականացնում եմ անձամբ:

X

ՀՀ ԼՈՌՈՒ ՄԱՐԶՊԵՏ
2025թ. հունվարի 20
ք.Վանաձոր

Ա.ՂԱԶԱՐՅԱՆ

Մարզպետի, մարզպետի տեղակալների, մարզպետի աշխատակազմի գլխավոր քարտուղարի, մարզպետի խորհրդականի և օգնականի միջև, ըստ բնագավառների համակարգման, պարտականությունների բաշխում

1. Մարզպետ Ա.Ղազարյան.

- 1) Կրթություն, մշակույթ և սպորտ,
- 2) Առողջապահություն և սոցիալական ոլորտի հարցեր,
- 3) Հողաշինություն և հողօգտագործում,
- 4) Տեղեկատվություն և հասարակայնության հետ կապեր:

2. Մարզպետի տեղակալ Գ.Ասրյան.

- 1) Տարածքային կառավարման և տեղական ինքնակառավարման հարցեր,
- 2) Կրթություն, մշակույթ և սպորտ,
- 3) Գյուղատնտեսություն և շրջակա միջավայրի պահպանություն,
- 4) Զորահավաքային նախապատրաստություն:

3. Մարզպետի տեղակալ Հ.Ավետիսյան.

- 1) Քաղաքաշինություն, տրանսպորտ, ճանապարհաշինություն և ենթակառուցվածքներ,
- 2) Զարգացման ծրագրերի մշակում և իրականացում,
- 3) Քաղաքացիներին սոցիալական աջակցության տրամադրման աշխատանքների կազմակերպում և համակարգում:

4. Մարզպետի աշխատակազմի գլխավոր քարտուղար Կ.Աշրաֆյան.

- 1) Ֆինանսական հարցեր,
- 2) Անձնակազմի կառավարում,
- 3) Իրավաբանական բաժին,
- 4) Փաստաթղթաշրջանառություն:

5. Մարզպետի խորհրդական Ն.Թովմասյան.

- 1) Քաղաքաշինության, հողաշինության և հողօգտագործման ոլորտներում իրականացվող աշխատանքների վերահսկողություն,
- 2) Սուբվենցիոն ծրագրերով և պետական աջակցությամբ իրականացվող կապիտալ շինարարության և կապիտալ վերանորոգման աշխատանքների կատարման ընթացքի մշտադիտարկում,
- 3) Մարզպետի այլ հանձնարարականների կատարում:

6. Մարզպետի օգնական Հ.Հակոբյան.

1) Լեռնային Ղարաբաղից բռնի տեղահանված և Լոռու մարզում բնակվող անձանց հետ առնչվող աշխատանքների իրականացում,

2) Մարզի տարածքում քաղաքացիական պաշտպանության և արտակարգ իրավիճակներում բնակչության պաշտպանության ոլորտներին առնչվող աշխատանքների իրականացում, դրանց վերաբերյալ մարզպետի ընդունած որոշումների կատարման ընթացքի վերահսկողություն,

3) Մասնակցություն քաղաքացիական պաշտպանության պլանի մշակման և հետագա ճշգրտման աշխատանքներին,

4) Զորահավաքային նախապատրաստության շրջանակներում կազմակերպվող ուսումնավարժական հավաքներին և պարապմունքներին մարզպետի աշխատակազմի աշխատակակիցների մասնակցության ապահովում,

5) Մարզպետին կից հասարակական հիմունքներով գործող խորհուրդների աշխատանքների համակարգում,

6) Քաղաքացիների ընդունելության կազմակերպում,

7) Մարզպետի օրակարգի կազմման աշխատանքների ապահովում,

8) Պատվիրակությունների այցերի և ընդունելությունների աշխատանքների կազմակերպում և համակարգում,

9) Մարզպետի այլ հանձնարարականների կատարում:

ՀՀ ԼՈՐՐԻ ՄԱՐԶՊԵՏԻ ԱՇԽԱՏԱԿԱԶՄԻ
ԳԼԽԱՎՈՐ ՔԱՐՏՈՒՂԱՐ

21/01/2025

X 

ԿԱՄՈ ԱՇՐԱՖՅԱՆ

Կ.ԱՇՐԱՖՅԱՆ

Մարզպետի տեղակալների կողմից իրականացվող
ընդհանուր բնույթի գործառույթներ

1. Համակարգում են մարզպետի աշխատակազմի աշխատանքները մարզպետի կողմից իրականացվող քաղաքականության՝ իրենց հանձնարարված բնագավառներում:
2. Իրենց լիազորությունների սահմաններում համակարգում են մարզպետին վերապահված բնագավառների քաղաքականության ապահովումը մարզպետի աշխատակազմի համապատասխան ստորաբաժանումների միջոցով, տալիս են ցուցումներ և հանձնարարականներ:
3. Վերահսկում են տրված հանձնարարականների կատարումը:
4. Կազմակերպում են նախնական քննարկումներ մարզպետի մոտ քննարկվելիք հարցերի վերաբերյալ:
5. Իրականացնում են աշխատանքներ մարզպետի հանձնարարականների մասնագիտական ուսումնասիրությունների ու վերլուծությունների ուղղությամբ, ներկայացնում են համապատասխան տեղեկանքներ:
6. Պարբերաբար մարզպետին են ներկայացնում տեղեկատվություն՝ իրենց ամրագրված բնագավառներում տիրող վիճակի մասին:
7. Իրենց ամրագրված բնագավառներում իրականացնում են մարզպետի որոշումների կատարման վերահսկողություն:
8. Մարզպետի հանձնարարությամբ իրականացնում են այլ գործառույթներ:

ՀՀ ԼՈՐՈՒ ՄԱՐԶՊԵՏԻ ԱՇԽԱՏԱԿԱԶՄԻ
ԳԼԽԱՎՈՐ ՔԱՐՏՈՒՂԱՐ

20/01/2025

X 

ԿԱՄՈ ԱՇՐԱՖՅԱՆ

Կ.ԱՇՐԱՖՅԱՆ